

Ministarstvo za boračka pitanja Kantona Sarajevo, ul. Reisa Dž.Čauševića br.1. koga zastupa ministar mr. Ismir Jusko (u daljem tekstu: Ministarstvo) i

Općina Novi Grad Sarajevo, Bulevar Meše Selimovića broj 97, koju zastupa Općinski načelnik mr.Semir Efendić (u daljem tekstu: Općina)

zaključili su sljedeći

S P O R A Z U M
o sufinansiranju radova u okviru Memorijalnog kompleksa na brdu Žuč,
Općina Novi Grad Sarajevo

Član 1.

Ovim Sporazumom ustanovljavaju se međusobna prava i obaveze Općine i Ministarstva prilikom sufinansiranja radova u okviru Memorijalnog kompleksa na brdu Žuč.

Član 2.

Predviđena i ugovorena vrijednost ove faze radova (Rekonstrukcija rovova i tranšea na lokalitetu Golo Brdo) iznosi 119.425,73 KM, od čega će Ministarstvo osigurati 100.000,00 KM.

Član 3.

Ovim Sporazumom se konstatuje da je Općina izvršila sljedeće obaveze:

- osigurala lokaciju i rješila imovinsko-pravne odnose,
- obezbjedila idejnu i projektnu dokumentaciju sa predmjerom radova,
- obezbjedila potrebne dozvole za izvođenje građevinskih radova,
- provela odgovarajući postupak javne nabavke u skladu sa procedurama propisanim Zakonom o javnim nabavkama i potpisala Ugovor o izvođenju radova na predmetnom spomen obilježju sa najpovoljnijim ponuđačem,
- obezbjedila nadzorni organ nad izvođenjem radova.

Član 4.

Vrstu radova koja će se sufinansirati doznačenim sredstvima će definirati Općina u skladu sa nivoom obezbjeđenih sredstava, a prema utvrđenom prioritetu sa stručno-građevinskog i ekonomskog aspekta, a ista će prioritetno biti utrošena na realizaciji ugovora o izvođenju radova na predmetnom spomen obilježju.

Član 5.

Ministarstvo se obavezuje da će prenos sredstava u iznosu od 100.000,00 KM izvršiti poslije osiguravanja sredstava u Izmjenama i dopunama Budžeta Kantona Sarajevo za 2019.godinu, odnosno nakon potpisivanja Sporazuma, u skladu sa dinamikom osiguranja budžetskih sredstava.

Predviđeni iznos će se uplatiti na depozitni račun Općine Novi Grad Sarajevo broj: 338-000-22100325-52 kod UniCredit Bank d.d.Sarajevo, sa pozivom na broj: 0000000000, budžetska organizacija: 0000000, vrsta prihoda 742 114, Općina: 108.

Sredstva će se isplatiti na teret pozicije 615100 Kapitalni transferi drugim nivoima vlasti DAI010 „Projekat „Opsada i odbrana Sarajeva 92-95“ (skupštinska Odluka 01-05-12123/06 od 23.03.2006.) – kapitalni podprojekti – Memorijalni centar Žuč“ Ministarstva, u Budžetu Kantona Sarajevo za 2019.godinu.

Član 6.

Obaveza Općine je da prati realizaciju radova i izvještava Ministarstvo o realizaciji projekta. Nakon okončanja svih radova, odnosno završetka radova planiranih u 2019. godini, obaveza Općine je da sačini izvještaj o namjenskom utrošku sredstava. Izvještaj treba sadržavati dokumentaciju koja potvrđuje navode izvještaja.

Član 7.

U slučaju da vrijednost izvedenih radova u ovoj fazi bude manja od doznačenih sredstava, odnosno da Općina radove većim dijelom finansira iz vlastitih sredstava, Ministarstvo je saglasno da se preostala sredstva koriste za dalje radove na Memorijalnom kompleksu na brdu Žuč, a o čemu će Općina obavijestiti Ministarstvo.

Ukoliko dođe do obustave realizacije, odnosno do otkazivanja projekta, Općina je o nastalim okolnostima obavezna odmah obavijestiti Ministarstvo, te po dobivenoj instrukciji izvršiti povrat neutrošenih sredstava na račun Kantona Sarajevo.

Član 8.

Ovaj Sporazum stupa na snagu danom potpisivanja od strane ovlaštenih lica Ministarstva i Općine.

Član 9.

Sve eventualne sporove u vezi sa izvršenjem ovog Sporazuma, stranke će nastojati riješiti sporazumno. U slučaju da stranke ne uspiju riješiti nastali spor, za rješavanje spora stvarno i mjesno je nadležan sud u Sarajevu.

Član 10.

Ovaj sporazum zaključen je u 4 (četiri) istovjetna primjerka od kojih svaka strana zadržava po 2 (dva) primjerka.

Za Ministarstvo
Ministar

mr. Ismir Jusko

Broj: 06-14-44545/2019

Sarajevo, 01.12. 2019.godine

Za Općinu
Općinski načelnik

mr. Semir Efendić

Broj: 02/02-14-25411/2019

Sarajevo, _____ 2019.godine